

三原縣志卷十

人物三

隱逸

唐

田遊巖唐書本傳三原人入太白山母妻皆有方外志愛  
 夷陵清溪止廬其側長史李安期表其才名赴京師行及  
 汝辭疾入箕山居許由祠旁自號由東隣名不出高宗  
 幸嵩山遣中書侍郎薛元超就問其母賜藥物絮帛帝親  
 至其門字風野服出拜字止謹樸帝令左右扶止謂曰先  
 生比字口臣所謂泉石膏肓字痼疾者帝悅因字遊  
 巖將字鳥承傳赴都拜崇文館字士進太子洗馬裴次死  
 坐素厚善故還山

明

趙昂谿田通志字顯若年十七中永樂戊子鄉舉任上林  
 院監署正四十致仕植花教子足不踐非禮之地身惟著  
 繪葛之服遇人論官事拱手而退鄉隣有鬪閉戶不出壽  
 七十一無疾而終

王仲智谿田通志名智以字行淳樸簡重言笑不苟好拯  
 貧濟乏嘗于邑之西園結草為亭以琴書自娛鄉人稱為  
 西園公蓋方諸東園公也善教子然即茹毅公為一代名



三原縣志卷十



臣弟仲和以德行為鄉人所宗凡有爭訟必就決之婚  
禮多咨之以行

馬仲良谿田通志仁厚愛人不言人過耕常讓畔居常讓  
席不事爭訟鄉隣有鬪者輒閉門不視其兄嘗笑之曰吾  
弟畏人見樹葉下恐破頭也曰弟非畏人畏禮不直耳里  
人張氏馬氏蒲氏無田則割田與耕有車一乘歲與朋友  
共之敝而無憾他里王氏問其仁來卜隣乃與同爨十有  
五年如兄弟焉

聶信谿田通志字仲孚由貢生任新鄭訓導平生節儉一  
扇常持之數年不易所著衣經年如新

三原縣志卷十

二

馬浩通志字子充食餽學官家壁立藿食水飲講誦弗  
幾不知有寒暑晚中明經選例得謁授博士愀然曰昔賢  
不云乎寧緣五斗米辜負一漁竿陶靖節何人哉桑榆景  
迫案頭殘編足供伊吾奚必彈冠爲其高尚如此

馬天章通志字季襄少從學溫恭毅以女妻之立志端亮  
善詩賦工篆尤精繪事不求聞達人謂州姿霞韻前有田  
游巖後有馬季襄

梁文煥通志明經居菽園築舍種樹畜魚不遠室廬  
而具邱壑之致溫恭毅爲御史大夫欲薦於朝固辭之寄  
情詩酒人高其節



朝廷器通志字含素少喜讀古書不事帖括善寫山水精篆隸狀貌奇偉躬耕數澤垂釣谿谷距城市纔一舍地名可得聞身不可得見也

梁爾升李志字君旭美髯修幹隱居元扈山房時遊吳越與知名士相唱和

本朝

李三畏李志字四知至性醇篤天姿敏異幼值滄桑棄舉子業一意經史遨遊吳越齊楚間一時名公巨卿爭相逢逖遯左李用九攝篆池陽就詢利弊陳積害五款除之勒石縣門

孝行

元

張世昌吳元喆撰墓碑字周卿幼事祖父左右奉養無幾微之失及長恂恂禮讓益恢廊有容昆弟四人有出仕者輒資其不給使守官箴季弟世榮爲廣東廉訪司僉事去關陝萬里風土異宜父以爲憂世昌裹糧踰嶺徼往視之覆命無虞父乃安世昌遂無出仕意薦辟交至皆辭家用有餘推以周親舊之惡鄉隣弗輯官有不能諭者聞其片言相與推去其見服於人如此

王忠續文獻通考三原長孫里人能盡孝道值母有疾欲



爲之娶志曰吾母疾安忍爲此後母卒廬墓日夜哀號  
食飲水人所不堪有司奏旌其門舊志擢爲學官三調備  
階合水教授

明

王理谿田通志字本性景泰庚午舉入任山西布政使經  
歷後調廣東忠信孝友鄉黨所稱

張昶谿田通志字世宏幼沉重篤於孝友先世業醫昶深  
究素難技益精父仲遠病革昶祝天願減壽一紀以壽父  
父思鳩肉卒無鳩昶稽首籲天鳩至執而烹之以進退思  
食鮮魚時冬日薄暮徒步夜至西安漁家得魚腍爽還烹

三原縣志卷十

四

而進之疾愈未幾仲遠復患風痺昶同寢者十二年飲食  
寒燠曲爲調攝仲遠竟不起計歲實符所祝人目其庄曰  
孝庄

秦邦彥谿田通志字國美由貢生訓導潁州教諭原武嘗  
迎父柩於淮上遇盜捐金與之護柩痛哭感動舍之而去  
姪恒少孤鞠而誨之學弗成爲治生產焉所在以經授徒  
門人成名者衆

李良心谿田通志字孺仁忠信孝友父鎮晚年生良心課  
其學業日以顯揚期之值大比良心倍加勤苦及放榜日  
嶺巒嶺絕氣二日矣偶報者造門云良心中若干名忽起



而問之乃再生二年而後其平日孝能慰親類此  
皆復性李志父疾侍藥餌衣不解帶者三載病革嘗糞父  
歿家貧不能葬衰服者九年與諸姪同爨四十年及分箸  
盡讓其善產遺有垂芳錄

溫朝鳳張志字鳴岐恭毅公父也生九月而孤其母躬禱  
五臺嵯峨諸山扶掖以往既買蜀以違母遠遂舍歸服田  
母遇其妻王氏嚴居常嗃嗃其妻兢兢孝養卒得歡心  
王養教溫自知三原志料米市牙僧也能孝母每遇新菜  
新果雖重價必購以博母歡或庖羞不精必咎其內子

張三極李志南康守善治之父生平多潛德事二親孝本

天性父沒携其子善治廬墓三年

梁應基李志母病割股愈疾

梁希贊李志割股和藥愈母疾

張獻科張志八歲喪父毀瘠幾不勝衣負土成墳其母好  
施予先意承志歲饑施食寒斯衣病斯餌死斯轉行之不  
替曰吾母意也及歿躡踊嘔血廬墓三年夜半輒前號曰  
兒侍母

杜鶴齡通志五歲母病每夜誦孝經籲天祈代母尋愈父  
病不解衣者四年夢神授方內載海風藤一味詢醫人皆  
不省後得其藥於京邸人以爲孝感所致云



房東昇李志生有夙慧甫總角日讀十七史事母孝嘗湯藥侍左右久而不懈嘉靖中舉於鄉

房東曷李志性篤孝親在則負米以養歿則負土以葬馮恭定題其間

張輔堯李志父沒廬墓三年

賈允相李志字台鼎陂南里人流賊臨堡舉家潛伏其父匿不密爲賊所執允相聞父呼號聲挺身出救亦爲賊縛罵賊至死不絕口里人勒石於墓

來蒙李志字道先四歲失怙諸兄宦遊獨蒙事繼母王氏氏十九守節七十餘歲蒙依依膝下務得歡心

本朝

溫樹琴李志字桐伯恭毅孫能守家學母病喘疾日夜侍衣不緩帶食不下咽披髮跣足徧禱神祠母夢二豎云孝子動天我輩遠去矣疾遂瘳數年患背痛泣禱如前忽一老嫗來自述臨潼人以湯洗其背而霍然顧炎武撰墓誌桐伯出入起居言中規行中矩循循禮法事父母能養志而鄉黨言桐伯之學者多出於神明感應之說余斷謂恭毅孝靖以理學名其家寧可以荒誕之言瀾吾子臣弟友之大道哉張志樹琴子度字右貞及見大父自知能記其詩歌稍長從淳化宋振麟授經學有本源制行孝義不愧



焦之雅通志字大雅中丞源溥長子逆闖破西安其父執罵賊磔市雅與弟之憂尋屍衣縗經手持利刃誓欲曰死賊聞之嘆曰忠臣孝子也予之屍負歸葬畢棄家隱華山鬱憤而死之愛字次虞散財糾死士報父讐不得遂隱終其身處谷山之陽

劉容通志農家子也居嵯峨之麓北山虎入川原噬人一日啣其弟去容追之左手挽虎尾據其背右手執屨擊之奔里許虎益猛容益力復奮臂前擊虎額虎乃舍其弟走容負歸得活

梁激之通志字靜海倉場侍郎鉞庶子也幼時常從宦四方父以果餌賜之輒念曰吾嫡母在家未食也因泣下間得統綺輒以請於父曰吾將爲嫡母衣也後歸省嫡母適患痢粒食不進激之泣禱越翌日果瘳性好施解衣推食無德色竟以嫡母卒過哀致損士林嗟之

王維圻李志母楊氏歿哀毀骨立踰歲忌辰伏墓上號聲不絕從人扶起吐血數升墓草盡赤遂成疾不起時年十八

王廷輔李志邑庠生父歿水漿不入口者數日三年不茹葷母性嚴厲中年失明廷輔未娶一身侍左右不懈過勞



嘔血猶竭力奉藥餌起卧悉親歷枯瘠不起先母而卒  
申懷璞李志字珩孺邑諸生事父養志事繼母無異所生  
子崧登賢書

來淑泗通志字聖濤年十歲值流寇變扶繼母左氏避難  
訛傳寇至母投身井中淑泗號泣井上跪求途人覓縋繩  
救負歸得活

趙宏祚通志字達字順治初年流寇餘孽竊發宏祚方五  
六歲隨寡母李氏避匿道遇寇欲劫其母宏祚號泣跪拜  
賊不可宏祚引頸披胸乞賦手中刃欲自殺以釋其母賊  
義之舍去稍長以家貧願爲買養母旣而有贏貲走江淮

間未一年欲馳歸同買者怪之曰夜夢阿母呼我而號是  
必苦憶我我心怛怛矣卽歸見母母泣撫曰人傳汝溺於  
水余痛而呼幾不生矣汝今固無恙耶宏祚大哭曰奈何  
以財故累母自是誓不離膝下終身孺慕不改云

申培斌通志字林蒼歲貢銓兩當訓導性孝友善事繼母  
撫弟妹恩勤備至嘗捐千金代輸闔甲積逋出資濟凶歲  
焚券掩骼義行甚多

孫連芳續志字蘭亭邑文學讀書聰穎孝事父母遭奇荒  
終日力作奉甘旨友愛昆弟讓產分貲俾各成立  
殷助續志字公輔府庠生幼嗜孝經家貧教學供甘旨父



母繼亡哀毀幾至滅性臨終惟念葬親貧儉於已無得從厚氣絕復甦命兒孫置手錄孝經于懷始暝年九十二王繼蘭續志字子馨六歲喪母躄踊類成人家貧行賈值父病心動輒歸最後父病噎滌穢嘗糞祈天請代事繼母得其歡心從第三人從姪一人凶荒護植咸得其所李璉張志六歲喪母哀毀如成人事繼母不異所生乾隆二十五年 旌表張子裕張志字公優邑庠生爲人淳謹好讀易嘗曰讀書宜身履其地處事宜不愧於志奉繼母承歡依依終身無違

楊道寅張志邑諸生七歲喪母號痛幾絕父病二載日夜侍側衣不解帶醫云不治乃膝行禱於嵯峨山神祠父病尋愈歿後哀毀如禮負土成墳乾隆二十九年 旌表申汝德張志四歲失恃奉繼母得其歡心長經營他方聞母病卽舍業歸母以老病輾轉牀褥汝德躬自扶掖不懈者二十餘年終喪後始復經營又篤宗誼以族譜散佚考定重修世次釐然

陳琬張志字公琰事母孝康熙四十三年夜被盜母受重傷琬號泣奔籲卒得正寃寘之法母亦尋愈學古書院歲久傾圮繪塼剝落琬倡紳士修葺復拓殿基增朱子像邑



之市果者奸徒結衙蠹私稅力請罷除凡此士林稱之  
李瑜張志附貢生年七十一後母李氏長四齡謹事之不  
異所自出母嘗因其弟持他人金五百買于蜀中途遇盜  
去其金爲輟食掄憂懼欲償以已貲從弟演聞而義之借  
箸完金母悅進食如初

任吉士天性純孝父母垂老病篤日夜躬親扶掖毫無倦  
容暨歿哀毀骨立喪葬皆如禮乾隆四十三年 旌表  
秦旭字方升丁卯舉人五歲失恃事父以孝聞年四十妻  
亡不再娶終父身與之同卧起長白王令勸就公車以親  
老辭不往嘗於除夕父忽遘疾危甚跪禱五祀更餘不起

三原縣志卷十

十 逸

疾頓愈父年七十餘患喘不食叩頭哭禱先祠請減已算  
以益親壽額爲墳起翼日漸瘳父體衰恒卧牀席飲食起  
居躬扶掖者六年父年八十一卒號泣如孺子時盛暑水  
漿不入口者三日葬祭如禮卒年六十九鄉諡孝正先生  
乾隆四十五年 旌表

義行

元

李子敬舊志字恭甫質謹孝友善治生好賑窮乏關中饑  
有出業者賤售救死子敬所買數頃後聽贖惟取原直卽  
不能贖亦畀還之計直錢四千六百五十緡里巷火燬數



百戶近其居火自熄復捐錢二百五十緡恤被災者與  
子懋創學古書院計費緡錢二十萬割田以供釋奠廩師  
生蕭公釁同公恕詣其家以相其事行省上其義詔旌其  
門元史孫秀實傳李子敬陝西三原人嫁不能嫁者五十  
餘人葬不能葬者五十餘喪焚逋券四萬餘貫有司以名  
聞旌之

張德明蘇天爵撰墓碑字彥明少讀詩書言動悉遵軌度  
有張澤者屢因婚嫁假貸積負甚多憐其貧一不責償取  
其券焚之邑人李和雲陽李仁皆爲隸於人其家欲得錢  
縱之爲民德明以私錢數千緡畀之仍爲經紀其家嘗曰

今海宇承平年穀豐足若鄉校不修則無以興治化乃請  
請于縣侯買地建學遠近觀感爭遣子弟就學以子貴封  
奉請大夫涇陽縣子

明

賈克明谿田通志樓底人洪武時廉介信實治梓人業鄉  
隣有喪其貧而甚者自具飲食爲造棺又助其穿壙而葬  
之嘗爲焦村馬氏構神祠數月馬氏曰計值當奉二金茲  
乏金有紙錢一馱奉之可乎曰可將行飲之酒酒盡焚紙  
神前而別崇賢街劉氏祠孤魂作木主三百克明日公能  
施錢我獨不能施以力乎辭值不受常與劉宗道爲友宗



道有道行爲張三丰所重精癸亥數能預知人生死將歿子孫及其徒乞傳其數以養生不可獨呼克明密授之宗道歿凡問死生者皆歸焉有餽遺弗受亦不傳之子孫其卒而葬有烏鵲蜜蜂成陣送至墓所及窆散去

劉銘谿田通志字銘善爲人寬厚自奉甚薄篤於親故嘗出粟千石以備賑濟正統三年詔旌義民

王清舊志字源潔性耿直勤於農業以其餘貲居積致富出粟千石以備賑濟正統三年詔旌義民

陳恭谿田通志字守敬能安治家勤儉賑窮恤匱畧無德色出粟五百石以備賑濟詔旌義民

梁彥杲邱隅集字士明無厚貲其性好施正德嘉靖間每歲饑卽煮粥哺饑者死無歸者輒棺葬之所施棺以千計或不能棺卽又爲席櫛坎掩度日惟布衣粟食白衣食外則盡爲施藥餌修橋梁賙急難之費

李三雲溫自知三原志料焦穫里人馬服輅城北里人二人同居作線生理其子母錢不計多寡不分爾我至老無疑貳其妻冠服互用亦無間言各有子亦能自立溫恭毅題其間曰李馬同居

王一正通志字琇菴少孤敦龐好施萬歷十四年捐金三百賑饑復散其積麥百石同妻趙氏曰糜餓者旣又助餉



五百金巡撫汪喬年巡按張爾忠上其事詔賜義官冠帶  
旌其閭溫少保建龍橋督大參建凌雲塔協修貲助邑令  
爲復其役

楊聰李志字敦素教授春芳祖嘉靖間歲大饑聰輸粟二  
千餘斛邑令重其義例爲散官固辭不受

張學顏李志家世詩禮尙義好施崇禎中大荒以千金周  
急遠近活者甚衆

秦一活李志字琴侶蜀布政一鵬之弟性尙義兄所遺俸  
金盡出以濟危困有郭性者負數百緡憐其貧招至家出  
券焚之

梁尙達溫自知三原志料達能生計善養其兄當受室必  
先兄凡衣食亦必先兄後已

雒建基溫自知三原志料家被盜劫囊笥一空惟後樓下  
有秦氏所寄二十餘楨存次日秦氏子來唁首詢已楨雒  
應曰惟君家物無恙其良心不沒乃爾

李名芳李志字碧軒仁厚尙義崇禎歲大饑捐穀五十石  
活數十家甲申兵入境被執賊挈一婦令芳看守芳澤釋  
之賊索婦不得加以炮烙至死不告甘心灰燼焉

李思道李志字肖峰敦義好施嘗撫養無依孤幼成立歸  
之崇禎中凶荒輸金五百兩於棺施粥救人以爲有力者



倡兼輸茶易馬濟國用賜七品冠帶

來廷對李志字舒五受業温恭毅門慷慨尚義友人王宗禹卒其子行乞於市憐之百計籌畫贈以金教之營生聞者嘆息

申懷珍李志邑庠生家貧力學事親能孝歲凶炊粥濟急不顧已困癸未之變投井死

來嗣績李志號西園崇禎庚午副車關內大荒施粥活饑民甚衆繼遭疫癘道殣相望又施棺掩骼

温本知李志字固有嗜學篤義伯季產業蕩盡悉以已業畀之甘貧無怨教子樹珖成進士

三原縣志卷十

古

高捷李志字龍門十歲爲諸生學使李維禎有神氣雋邁瞬息可千里之評數舉省試不利值流寇蜂起練鄉勇授方畧爲一邑屏衛又出穀濟荒全活甚衆

劉士琚張志號玉峰崇禎十三年歲大祲斗粟萬緡至罷市場粒人相啖士琚先繪圖請賑遂傾囊煮粥卹富戶勸糶育乳婦活棄孩八百瘞道殣萬數邑之彭寨饑民聚爲盜令憂之命某總旅擒治而某捉良民冒功士琚排邑闔大呼堦前於千夫中爭救無辜五命順治乙酉流寇陷申楊諸堡男女多投井其死者皆士琚從塹隧汲出邑人爲立碑南門內通衢



秦淳張志字德如邑庠生中丞所式從孫也崇禎甲申逆  
闖據西安徵逮縉紳淳冒所式名往見以大義說之自成  
怒械繫至山右死於平陽府東關之管家莊

本朝

來嗣徽續志字懿園布政使復胞姪也幼賦至性以親老  
疾衝泌色養以樂其志親歿廬墓六載原民寄甲涇邑者  
差徭徧苦鬻產赴納道遇舊識求助卽以完賦十金贈之  
崔維嵩李志順治三年貿易山東行次河間逆旅有遺金  
三百維嵩守之累日遺金人至則山左明經朱應豸赴銓  
資也驗實畀之朱以五十金爲報維嵩笑曰分惠孰愈全

三原縣志卷十

五

獲乎拒不受三原令旌其門

侯達先通志御史于唐父爲人惇謹孝友父病疽吮膿虔  
禱求代尋愈荒歲爲長孫耆坊楊杜等里代完逋賦千金  
取花名冊焚之

曹元李志字孟候廩生康熙三十一年大荒元家鮮饒積  
慨然以周恤爲念村堡宗戚凡六十餘家朝夕計口授粟  
及歲稔人爭償其負悉却之

李時盛通志盛因母寡居棄儒業以養奉母進食澣滌溺  
器皆親歷之明季有舊交高姓者以黃金五十兩寄其家  
值逆闖亂焚掠殆盡盛家室不保越七年高至取而還之



劉守法李志同弟守富守奇事祖母孝兄弟友愛至老無  
間同爨五世知縣題其門曰百忍同芳

員洪麻李志字丕承慷慨好施出粟助有司賑荒輸千金  
補葺龍橋修理北郭城池

王詢李志字芻夫國學生歲饑出資二百金全活本族多  
口又代族人完逋賦恤熒獨本支德之

張騰蟾李志性朴好義每遇歲歉輒出躬耕積粟以活人  
高陵劉姓者以篋資千金寄其家流寇至寧棄私橐守寄  
物寇退完璧歸之

孫逢吉通志字長康慷慨好施率家人收穫見婦女拾遺

三原縣志卷十

去

穗者心傷之卽出已麥數石給之里甲稱貸者畀之如數  
不索券時有詩云施金不計王孫報應笑田文三窟謀  
侯治國續志字佐宇客秦州牧張公幕值王輔臣變張義  
守城泣託其幼子問道歸幼子抱恙日行僅數里爲賊所  
獲賊欲留治國佐兵機治國正色厲辭絕之脅以利刃終  
不變賊感而俱釋之卒不負所託

侯于楚續志字上卿賈於吳父病啞喘棄貲馳歸枕臂抱  
卧百日會妻張氏產育有乳乃斷其子乳以乳屢進於父  
而愈繼母癰毒吮之得痊友人李用美郝天知無子立嗣  
繼絕經紀其家



侯憲續志字蕭章太學考授州同父病衣不解帶湯藥必親嘗斯夕泣禱願以身代及歿卧柩次者三年母老曲盡孝養周恤親族悉承父志云

王居恒續志字完初十歲喪母日夕哭泣父歿毀傷幾絕事繼母孝讓產於從叔者至再荒歲救蓮姓孤兒成立婚娶於臨涇旅寓得遺金三封候其人還之邑令徐公旌其門

張枚續志字鼎調順治丁酉鄉舉性孝友善事繼母代輸納周貧乏者不一其事有爲債所迫鬻小女以償聞之惻然出資贖歸

來德驪續志字楚珩太學生天性孝友不事矯飾周乏恤困凡義所感無不慷慨以施早著令聞懷抱經濟而享年不永識者惜之

梁爾壯續志字君陽邑廩生講學高節建平憾堂以養疲癯殘疾後自嫌近名改闢聖廟嘗立孝義會出粟五百石備婚喪公事之助設他山館受經數百人又修城補橋鑿渠築堰屢賑饑代完賦家產殆盡教子鉉成名

孫聯芳續志字蕙亭幼失怙恃師事其兄連芳曲盡弟道既長讀書精岐黃術全活甚衆好施不求報借券盈篋一舉焚之



房楨續志字瑞天六歲喪母日悲泣不食兩遭繼母嚴厲事之畧無懟色後遊楚念賈客無養病之所創建扶病館年七十卒

馬遇張志字榮公少爲諸生頗窘躓授徒鄉村歲暮散館攜館貲入金歸過線馬堡聞哭聲甚哀視之則死者無以斂傾館金賻之抵家拜其父父問容何戚也對以見死者而哀父曰何不以館金周之曰已予之矣時家無斗筲而父子以濟困爲樂其後季弟道以鹽筴起家資用饒裕遇益得行其志族黨有急無不周全士之寒者歲終不俟稱貸量其所需各爲封識遣使分送數十年如一日其他焚

券義舉甚多或勸自爲計則曰貧富命也有時而來卽有時而去乘其來也盍爲廣厦萬間乎蓋其生平好讀濂洛關閩之書故襟懷灑落勇於爲善如此

崔炯張志國學生乾隆十一年里民積欠地丁錢糧一千有餘炯代爲全納有立券者卽毀之知縣鍾一元表其門曰善行克敦里民公題曰真心行善

馬正用張志字廷棟谿田七世孫也少孤其叔罔顧姊氏予數金貿易寧州叔歿二子往依焉各贈百金又爲之娶妻逾年消耗再贈如初晚家居焚券千餘金子驥字有德隨之業商族人馬會元年老無子養之終身馬錫熊三十



無妻爲之婚娶又能撫馬錫命之婦妻幼子焉

孫佳佐張志字元宰徵君枝蔚猶子也工詩畫能文章孝友好義論者謂不愧家風云

張翹張志字翹天儉於自奉喜於濟人歲歉出粟廩親族製祭田設義學從子少孤無資生策引之同居年八十一卒

劉恩惇幼失恃嫂張氏撫育成立嫂歿祭祀如母所居堡城傾圮獨力繕完乾隆十三年歲饑出粟賑貸里民賴以存活者數百家

### 方伎

### 後五代

苗光易李志精占卜之術事能預知今天授泉有苗家峪卽其故居也

### 宋

于元隱學士任諒于真菴記元隱嘗遊三原莫知所從來亦莫知其年歲初晦迹岷伍因駝頭道者授大洞經十一章鍊精凝氣已能無漏後十餘年有一老人導之與遊鷄足山山裂得洞洞昏黑風沙擊人面不可入忽日光穿隙見石匣一有二石人守護探匣得玉柱大洞三十九章經老人口授秘訣又十餘年來鳳翔之南稍與世接有及物



功遠近奔湊如市郡守怒其惑衆名與語異之元隱又顯  
奇跡郡守益敬禮大觀元年詔州縣敦遣赴闕及至命館  
龍德宮賜御製詩後固辭還山卽清平軍上清太平宮以  
居十餘年吏民以旱潦請祈禳無不立應救療疾苦俱有  
神驗於是築館三原之修真鄉十年乃成詔名崇真館一  
日易衣正坐曰候來日不得矣睡去側卧拳手結印而逝  
上聞命選官葬祭於終南舊居別建祠堂賜號希夷至道  
先生

元

白德明谿田通志字顯道家美原父獻金鄉貢士母黨氏

常夢白鳳集于庭已而生德明通經史酷好老壯言舍家  
入道周遊諸方道過三原之龍橋鎮觀古龍陽宮徘徊久  
之於是鎮人元帥楊子江請興修是宮事聞賜金紫天光  
真人

李志性谿田通志字誠之平陽曲沃人金太和丁卯三月  
九日父坐堂上見一道人入室移時而生體格殊特氣宇  
冲朗胸有白環痕九歲辭父母學還元趙真人之法三原  
民程德用請住玉隆觀割田贍之一日謂門人曰泡影幻  
身真爲棄物吾將往矣援筆題頌端坐而逝

姚承靜谿田通志橫水人年十五削髮講習經書三乘與



典靡不研究見慈見寺荒廢慨然以繕修爲任歲月幾  
十稔告成費亦不貲弟子百有餘人大德中奉旨赴上都  
賜號通寂大師

明

劉宗道谿田通志長孫里人承樂間旣娶妻生子矣乃爲  
通元觀道士能役使鬼神祈禱雨澤又能以數知人生死  
名曰癸亥數後慶王大集陝西僧道修追薦事衆旣集宗  
道徐至慶王不悅是日天甚晴霽衆皆樹旛揭榜具金袈  
裟法衣作樂迎經于道宗道但設兩具端坐而已須臾大  
雨驟至衆旛榜俱盡金衣俱濕藏匿不暇俄晴霽宗道始

三原縣志卷十

三

行事其日惟宗道一壇在焉慶王以爲神以金冠餽之葬  
時有二鶴來翔

張徵通志字以周精通方脈天順間舉爲太醫院醫生術  
屢取效尋授御醫院判

本朝

陳堯道李志字素中幼爲諸生潛心岐黃製方奇效遠近  
來者滿戶尤施藥濟貧困爲人方正純謹凡鄉里紛難德  
其排解詳見李子德傳

董鳳翽張志字君靈世業醫於幼科痘疹尤爲專門或遇  
逆症方書所不載耳目所僅見者必靜坐深思而得其故



治之果效子漢傑傳其術爲河南新裁令

三原縣志卷十

三